

চার্বাক দর্শন

১। চার্বাক দর্শনের প্রতিষ্ঠাতা কে?

উঃ কেউ কেউ বলেন ঋষি বৃহস্পতি, আবার কেউ বলেন চার্বাক মুনি, কোন কোন মতে অজ্ঞাত।

২। চার্বাক সম্প্রদায় কয়ভাগে বিভক্ত এবং কি কি ?

উঃ চার্বাক সম্প্রদায় তিনভাগে বিভক্ত। তা হল :

ক) বিতণ্ডাবাদী, খ) ধূর্ত, গ) সুশিক্ষিত

৩। চার্বাকমতে প্রমার শর্তগুলি কি কি ?

উঃ জ্ঞানটি সত্য হবে, সংশয় ও বিপর্যয়হীন হবে ও জ্ঞানটি অনধিগত হবে।

৪। চার্বাক দর্শন আস্তিক না নাস্তিক দর্শন।

উঃ চার্বাক দর্শন নাস্তিক দর্শন।

৫। চার্বাকগণ কয়টি প্রমাণ স্বীকার করেন ও কি কি ?

উঃ চার্বাকগণ একটি প্রমাণ স্বীকার করেন - প্রত্যক্ষ।

৬। চার্বাক মতে প্রত্যক্ষ প্রমাণের লক্ষণ কি ?

উঃ চার্বাক মতে প্রত্যক্ষ হল সম্যক ও অপরোক্ষ অনুভব।

৭। চার্বাকগণ প্রত্যক্ষকে একমাত্র প্রমাণরূপে স্বীকার করেন কেন ?

উঃ যেহেতু প্রমার তিনটি শর্ত (জ্ঞান সত্য, সংশয় ও বিপর্যয় শূন্য এবং অনধিগত) প্রত্যক্ষে থাকে, তাই চার্বাকমতে প্রত্যক্ষই একমাত্র প্রমাণ।

৮। চার্বাকরা অনুমান প্রমাণ স্বীকার করেন না কেন ?

উঃ চার্বাকমতে অনুমানের মূল ভিত্তি ব্যাপ্তিজ্ঞান, যেহেতু ব্যাপ্তিজ্ঞান সম্ভব নয়, তাই ব্যাপ্তিজ্ঞান নির্ভর অনুমান প্রমাণ নয়।

৯। চার্বাকমতে শব্দ প্রমাণ নয় কেন ?

উঃ চার্বাকমতে আপ্তব্যক্তির বাক্যকে শব্দ প্রমাণ বলে। কিন্তু কোন ব্যক্তি আপ্ত কিনা তা অনুমান করে জানতে হয়।

যেহেতু অনুমান প্রমাণ নয়, সেহেতু শব্দও প্রমাণ হতে পারে না।

১০। বেদ সম্পর্কে চার্বাকদের অভিমত কি ?

উঃ চার্বাকমতে বেদ অপ্রমাণ। কারণ বেদ ধূর্ত, ভণ্ড ও নিশাচর ব্রাহ্মণের রচনা। এছাড়া বেদে কতগুলি অশ্লীল ও অর্থহীন শব্দের ব্যবহার আছে। তাই বেদ প্রমাণ হতে পারে না।

১১। চার্বাক দর্শনের সূত্রকার কে ?

উঃ চার্বাক দর্শনের সূত্রকার হলেন মাধবাচার্য।

১২। অনুমান হল নিছক অন্ধকারে ঝাঁপ দেওয়া - এটি কোন্ দার্শনিক সম্প্রদায়ের মতবাদ ?

উঃ এটি চার্বাক সম্প্রদায়ের মতবাদ।

১৩। চার্বাক দর্শনের প্রমাণ্য গ্রন্থের নাম কি ?

উঃ চার্বাক দর্শনের প্রামাণ্য গ্রন্থের নাম সর্বদর্শন সংগ্রহ।

১৪। চার্বাক শব্দের অর্থ কি ?

উঃ চার্বাক শব্দের অর্থ হল মনোরম কথা।

ন্যায় দর্শন

- ১। ন্যায় দর্শনের প্রতিষ্ঠাতা কে
উঃ ন্যায় দর্শনের প্রতিষ্ঠাতা মহর্ষি গৌতম।
- ২। ভাষ্যকারের নাম কি ?
উঃ মহর্ষি বাৎসায়ন হলেন ন্যায় সূত্রের ভাষ্যকার।
- ৩। নব্য ন্যায়ের প্রতিষ্ঠাতা কে ?
উঃ তত্ত্বচিন্তামণিকার গঙ্গেশ উপাধ্যায় হলেন নব্য ন্যায়ের প্রতিষ্ঠাতা।
- ৪। মহর্ষি গৌতম প্রদত্ত প্রত্যক্ষের লক্ষণটি কি ?
উঃ ইন্দ্রিয়ার্থসম্বন্ধমর্ষোৎপন্নং জ্ঞানং অব্যাপদেশ্যম্ অব্যভিচারী ব্যবসায়াত্মকম্ প্রত্যক্ষম্। অর্থাৎ ইন্দ্রিয়ের সহিত ইন্দ্রিয়গ্রাহ বিষয়ের সম্বন্ধ বা সম্বন্ধের ফলে যে অশাব্দিক, অভ্রান্ত ও শুনিচিত জ্ঞান উৎপন্ন হয় তাকে প্রত্যক্ষ বলে।
- ৫। বিশনাথ তাঁর মুক্তাবলীতে প্রত্যক্ষের কি লক্ষণ দিয়েছেন ?
উঃ জ্ঞানাকরণকম্ জ্ঞানম্ প্রত্যক্ষম্ অর্থাৎ যে জ্ঞানের করণ অন্য কোন জ্ঞান নয়, তাকে প্রত্যক্ষ বলে।
- ৬। গঙ্গেশ প্রদত্ত প্রত্যক্ষের লক্ষণটি কি ?
উঃ প্রত্যক্ষস্য সাক্ষাৎকারিত্ব লক্ষণম্ - অর্থাৎ প্রত্যক্ষ হল সাক্ষাৎ জ্ঞান।
- ৭। নির্বিকল্পক প্রত্যক্ষ কাকে বলে ?
উঃ প্রকার বা বিশেষণ বিহীন প্রত্যক্ষকে নির্বিকল্পক প্রত্যক্ষ বলে।
- ৮। সবিকল্পক প্রত্যক্ষ কাকে বলে ?
উঃ প্রকার বা বিশেষণযুক্ত প্রত্যক্ষ জ্ঞানকে সবিকল্পক প্রত্যক্ষ বলে।
- ৯। নির্বিকল্পক প্রত্যক্ষ প্রমাণ নাকি অ-প্রমাণ ?
উঃ নির্বিকল্পক প্রত্যক্ষ প্রমাণ নয়, আবার অ-প্রমাণ নয়। কারণ কোন জ্ঞানকে প্রমাণ বা অ-প্রমাণ হতে হলে জ্ঞানটিকে বিশিষ্ট জ্ঞান হতে হবে। কিন্তু যেহেতু নির্বিকল্পক জ্ঞান বিশিষ্ট জ্ঞান নয়, সেহেতু তা প্রমাণ বা অ-প্রমাণ হতে পারে না।
- ১০। নির্বিকল্পক জ্ঞানে কোন প্রবৃত্তি থাকে না কেন ?
উঃ বিশিষ্ট জ্ঞানই কেবল প্রবৃত্তির জনক হয়। নির্বিকল্পক প্রত্যক্ষ বিশিষ্ট জ্ঞান নয় বলে, তাতে কোন প্রবৃত্তি থাকে না।
- ১১। অনুমান শব্দের অর্থ কি ?
উঃ অনু + মান = অনুমান। অনু শব্দের অর্থ পরে, আর মান শব্দের অর্থ জ্ঞান। সুতরাং প্রত্যক্ষের পরে যে জ্ঞান উৎপন্ন হয় তাকে অনুমান বলে।
- ১২। মহর্ষি গৌতম প্রদত্ত অনুমানের লক্ষণটি কি ?
উঃ তৎ পূর্বকম্ অনুমানম্। তৎ শব্দের অর্থ প্রত্যক্ষ অর্থাৎ প্রত্যক্ষ পূর্বক জ্ঞান অনুমান।
- ১৩। তর্কসংগ্রহ গ্রন্থে অন্নভট্ট অনুমানের কি লক্ষণ দিয়েছেন ?
উঃ অনুমিতি করণম্ অনুমানম্ অর্থাৎ অনুমিতির করণকে অনুমান বলে।
- ১৪। অন্নভট্ট অনুমিতির কি লক্ষণ দিয়েছেন ?
উঃ পরামর্শজন্যং জ্ঞানং অনুমিতি অর্থাৎ পরামর্শ থেকে যে জ্ঞান উৎপন্ন হয় তাকে অনুমিতি বলে।
- ১৫। অন্নভট্ট দীপিকাতে অনুমিতির লক্ষণটি কেন পরিবর্তন করেছেন ?
উঃ সংশয়োত্তর প্রত্যক্ষে অতিব্যাপ্তি বারণের জন্য।
- ১৬। সংশয়োত্তর প্রত্যক্ষে অতিব্যাপ্তি বারণের জন্য অন্নভট্ট কোন্ শব্দ প্রয়োগ করেছেন ?
উঃ ‘পক্ষতা’ নামক শব্দের প্রয়োগ করেছেন।
- ১৭। দীপিকায় প্রদত্ত অনুমিতির নির্দোষ লক্ষণ কি ?
উঃ পক্ষতা সহকৃত পরামর্শজন্যংজ্ঞানম্ অনুমিতি।
- ১৮। পক্ষতার লক্ষণ কি ?
উঃ সিদ্ধাধিযা-বিরহ-সহকৃত সিদ্ধাভাবঃ পক্ষতা - অর্থাৎ সাধন বা অনুমান করার ইচ্ছার অভাব বিশিষ্ট সাধ্যের নিশ্চিত জ্ঞানের অভাবকে পক্ষতা বলে।
- ১৯। সিদ্ধি প্রত্যক্ষের প্রতিবন্ধক নয় কেন ?

উঃ কারণ প্রত্যক্ষের কোন কারণই তৃতীয়ক্ষণ বিনাশী নয়। বিষয়েন্দ্রিয় সন্নির্কর্ষ বিদ্যমান থাকলে ধারাবাহিক প্রত্যক্ষ জ্ঞান উৎপন্ন হতে কোন সমস্যা হয় না। তাই সিদ্ধি প্রত্যক্ষের প্রতিবন্ধক হয় না।

২০। সিদ্ধি অনুমিতির প্রতিবন্ধক হয় কেন ?

উঃ একটি পরামর্শ দ্বারা একটি অনুমেয় বিষয়ে (সাধ্য সম্পর্কে) নিশ্চিত জ্ঞান অর্থাৎ সিদ্ধি হওয়ায় ঐ পরামর্শ দ্বারা দ্বিতীয় অনুমিতি হবে না। কারণ সিদ্ধি অনুমিতির প্রতিবন্ধক। একই পরামর্শ দ্বারা দ্বিতীয় অনুমিতির উৎপত্তি পরিহার কল্পে সিদ্ধিকে অনুমিতির প্রতিবন্ধক বলা হয়েছে।

২১। সিদ্ধার্থিযা শব্দটির অর্থ কি ?

উঃ সিদ্ধার্থিযা শব্দটির অর্থ হল সাধন বা অনুমান করার ইচ্ছা।

২২। পক্ষতাকে অনুমিতির কারণ বলা হয় কেন ?

উঃ পক্ষতা না থাকলে সংশয়োত্তর প্রত্যক্ষে অনুমিতির লক্ষণের অতিব্যাপ্তি হয়। তাই পক্ষতাকে অনুমিতির কারণ বলা হয়।

২৩। পরামর্শ কাকে বলে ?

উঃ ব্যাপ্তি বিশিষ্ট পক্ষধর্মতা জ্ঞানকে পরামর্শ বলে।

২৪। পরামর্শের জন্য কি কি জ্ঞানের প্রয়োজন ?

উঃ পরামর্শের জন্য ১) পক্ষধর্মতা জ্ঞান ও ২) ব্যাপ্তিজ্ঞানের প্রয়োজন।

২৫। অল্পভট্টের মতে অনুমিতির কারণ কি ?

উঃ অল্পভট্টের মতে অনুমিতির কারণ হল পরামর্শ জ্ঞান।

২৬। অনুমিতির জন্য কি কি জ্ঞান অপেক্ষিত হয় ?

উঃ অনুমিতির জন্য পক্ষতা, পক্ষধর্মতা, ব্যাপ্তি ও পরামর্শ জ্ঞানের প্রয়োজন।

২৭। পক্ষধর্মতা জ্ঞান কাকে বলে ?

উঃ পক্ষে হেতুর বিদ্যমানতা জ্ঞানকে পক্ষধর্মতা জ্ঞান বলে।

২৮। অনুমান ও অনুমিতির পার্থক্য কি ?

উঃ অনুমান প্রমাণ, কিন্তু অনুমিতি প্রমাণ। পক্ষতা সহকৃত পরামর্শজন্য জ্ঞানকে অনুমিতি বলে, অপরপক্ষে অনুমিতির কারণকে অনুমান বলে।

২৯। প্রমাণ কাকে বলে ?

উঃ যে পদার্থটি যে ধর্ম বিশিষ্ট সেই পদার্থে সেই ধর্ম বিশিষ্টের জ্ঞান অর্থাৎ যথার্থ অনুভবকে প্রমাণ বলে। যেমন ঘটকে ঘটত্ব বিশিষ্ট বলে জ্ঞান হলে তা প্রমাণ হবে।

৩০। পরামর্শ জ্ঞানকে তৃতীয় লিঙ্গ পরামর্শ বলা হয় কেন?

উঃ হেতুর অপর নাম লিঙ্গ। অনুমিতির উৎপত্তির জন্য হেতু বা লিঙ্গকে তিন বার দর্শন করতে হয়। প্রথম লিঙ্গ দর্শনের দ্বারা ব্যাপ্তি জ্ঞান হয়। দ্বিতীয় লিঙ্গ দর্শনের দ্বারা পক্ষধর্মতা জ্ঞান হয়। তৃতীয় লিঙ্গ দর্শন দ্বারা ব্যাপ্তিবিশিষ্ট হেতুর পক্ষে বিদ্যমানতা জ্ঞান অর্থাৎ পরামর্শ জ্ঞান জন্মায়। আর এই পরামর্শ জ্ঞান থেকে অনুমিতি উৎপন্ন হয়। তাই পরামর্শকে তৃতীয় লিঙ্গ পরামর্শ বলে।

৩১। পরামর্শের আকারটি কিরূপ ?

উঃ সাধ্য ব্যাপ্য হেতুমান পক্ষ।

৩২। পরামর্শের একটি উদাহরণ দাও।

উঃ বহিব্যাপ্য ধূমবান্ পর্বতঃ।

৩৩। পক্ষ কাকে বলে ?

উঃ সন্নিহিত সাধ্যবান্ পক্ষ অর্থাৎ যে অধিকরণে সাধ্যের সংশয় হয় তাকে পক্ষ বলে। আবার পক্ষতার যা আশ্রয় তাকে পক্ষ বলা হয়।

৩৪। সাধ্য কাকে বলে ?

উঃ অনুমানের যা বিষয় (অনুমেয়) অর্থাৎ পক্ষে যার সংশয় থাকে, পক্ষে যাকে হেতুর সাহায্যে সাধন করা হয়, তাকে সাধ্য বলে।

৩৫। লিঙ্গ শব্দের অর্থ কি ?

উঃ লীনং গময়তি যঃ সঃ লিঙ্গ অর্থাৎ যা লীন অর্থাৎ অপত্যক্ষ পদার্থকে (সাধ্যকে)পাইয়ে দেয়, তাকে বলে লিঙ্গ।

৩৬। অনুমানের কয়টি পদ থাকে ও কি কি ?
অনুমানের তিনটি পদ থাকে। যথা সাধ্য, পক্ষ ও হেতু।

৩৭। স্বার্থানুমান কাকে ?

উঃ যে অনুমানের দ্বারা অনুমাতার নিজের সাধ্য সংশয় দূর হয়, তাকে স্বার্থানুমান বলে।

৩৮। স্বার্থানুমিতি কাকে বলে ?

উঃ অনুমাতার নিজের জ্ঞান লাভের জন্য যে অনুমিতি তাকে স্বার্থানুমিতি বলে।

৩৯। পরার্থানুমান কাকে বলে ?

উঃ স্বার্থানুমিতির দ্বারা নিজের সাধ্য সংশয় দূর হলে অর্থাৎ সাধ্যানুমিতি হলে সেই জ্ঞান অপরের মনে নীত করার জন্য স্বার্থানুমাতা যে পঞ্চাবয়বী ন্যায় গঠন করেন তাকে পরার্থানুমান বলে।

৪০। স্বার্থানুমান ও পরার্থানুমানের পার্থক্য কি ?

উঃ স্বার্থানুমাতা নিজের সাধ্য সংশয় দূর করার জন্য অনুমান স্বার্থানুমান। অপরপক্ষে অপরের মনের সাধ্য সংশয় দূর করার জন্য যে পঞ্চাবয়বী ন্যায় তাকে পরার্থানুমান বলে।

৪১। পঞ্চাবয়বী ন্যায়ের পাঁচটি অবয়বের নাম উল্লেখ কর।

উঃ প্রতিজ্ঞা, হেতু, উদাহরণ, উপনয় ও নিগমন।

৪২। একটি পঞ্চাবয়বী ন্যায়ের গঠন কর।

উঃ ১) প্রতিজ্ঞা - পর্বতটি বহিমান

২) হেতু - যেহেতু পর্বতটি ধূমবান

৩) উদাহরণ - যেখানে ধূম সেখানে বহি যথা - রান্নাঘর।

৪) উপনয় - পর্বতটি ধূমবান

৫) নিগমন - অতএব পর্বতটি বহিমান।

৪৩। প্রতিজ্ঞাবাক্য কাকে বলে ?

উঃ পঞ্চাবয়বী ন্যায়ের যে বাক্য সাধ্যবিশিষ্ট পক্ষের প্রতিপাদন করে তাকে প্রতিজ্ঞাবাক্য বলে।

৪৪। হেতুবাক্য কাকে বলে ?

উঃ পরার্থানুমানে পক্ষে সাধ্যের অস্তিত্ব প্রমাণ করার জন্য যে হেতু জ্ঞানের প্রয়োজন তা প্রকাশ করে যে বাক্য তাকে হেতুবাক্য বলে।

৪৫। উদাহরণবাক্য কাকে বলে ?

উঃ পঞ্চাবয়বী ন্যায়ের ব্যাপ্তি প্রতিপাদনকারী বাক্যকে উদাহরণবাক্য বলে।

৪৬। উপনয়বাক্য কাকে বলে ?

উঃ পঞ্চাবয়বী ন্যায়ের যে বাক্যের দ্বারা ব্যাপ্তিবিশিষ্ট হেতুর পক্ষে বিদ্যমানতা জ্ঞান জন্মায় তাকে উপনয় বাক্য বলে।

৪৭। নিগমনবাক্য কাকে বলে ?

উঃ যে বাক্যে ব্যাপ্তি ও পক্ষধর্মতা বিশিষ্ট হেতুর সাহায্যে (পরামর্শ) পক্ষে সাধ্যের অস্তিত্ব সুনিশ্চিতভাবে প্রতিপাদন করা হয়, সেই বাক্যকে নিগমনবাক্য বলে।

৪৮। হেতু ও উপনয় বাক্যের পার্থক্য কি ?

উঃ হেতু বাক্যের বিষয় তিনটি। যথা - বিশেষ্য পর্বত, পর্বতের বিশেষণ ধূম এবং ধূমের বিশেষণ ধূমত্ব। কিন্তু উপনয়বাক্যের বিষয় চারটি। যথা - বিশেষ্য পর্বত, পর্বতের বিশেষণ ধূম এবং সেই ধূমের বিশেষণ দুটি - ধূমত্ব ও বহিব্যাপ্তি।

৪৯। প্রতিজ্ঞাবাক্য ও নিগমনবাক্যের পার্থক্য কি ?

উঃ প্রতিজ্ঞাবাক্যে পক্ষে সাধ্যের সংশয় প্রকাশ করা হয়, যা পক্ষতার ধর্ম। অপরপক্ষে নিগমনবাক্যে পক্ষে সাধ্যের নিশ্চিত জ্ঞান হয়, যা অনুমিতির ধর্ম।

৫০। পঞ্চাবয়বী ন্যায়ের প্রতিটি অবয়ব বাক্যের প্রয়োজন কি ?

উঃ পক্ষ জ্ঞানের জন্য প্রতিজ্ঞাবাক্যের প্রয়োজন, পক্ষধর্মতা জ্ঞানের জন্য হেতু বাক্যের প্রয়োজন, ব্যাপ্তি জ্ঞানের জন্য উদাহরণবাক্যের প্রয়োজন, পরামর্শজ্ঞানের জন্য উপনয় বাক্যের প্রয়োজন এবং অবাধিতত্ত্ব ও অসৎ প্রতিপক্ষত্ব জ্ঞানের জন্য নিগমন বাক্যের প্রয়োজন।

৫১। অন্নভট্ট তর্কসংগ্রহ গ্রন্থে ব্যাপ্তির কি লক্ষণ দিয়েছেন ?

উঃ যেখানে ধূম সেখানে বহিঃ - এই সাহচর্যের নিয়মকে ব্যাপ্তি বলে।

৫২। দীপিকাটীকাতে অন্নভট্ট ব্যাপ্তির কি লক্ষণ দিয়েছেন ?

উঃ হেতুর সঙ্গে একই অধিকরণে থাকে এমন যে অত্যন্তাভাব সেই অত্যন্তাভাবের প্রতিযোগী হয় না এমন যে সাধ্য, সেই সাধ্যের সামান্যধিকরণ্য হেতুতে থাকাই হল ব্যাপ্তি।

৫৩। ন্যায় সম্মত ব্যাপ্তিজ্ঞান লাভের উপায়গুলি কি কি?

উঃ ব্যাপ্তিজ্ঞান লাভের উপায়গুলি হল অন্বয়, ব্যতিরেক, ব্যভিচারগ্রহ, উপাধিনিরাস, তর্ক ও সামান্যলক্ষণ প্রত্যক্ষ।

৫৪। সমব্যাপ্তি কাকে বলে ?

উঃ যে ব্যাপ্তির হেতু সাধ্যের ব্যাপকতা সমান সেই ব্যাপ্তিকে সমব্যাপ্তি বলে। যেমন সকল জেয় বস্তু হয় অভিধেয়।

৫৫। অসম বা বিষম ব্যাপ্তি কাকে বলে?

উঃ যে ব্যাপ্তির হেতু ও সাধ্যের ব্যাপকতা সমান নয়, সে ব্যাপ্তিকে বলা হয় অসম বা বিষম ব্যাপ্তি। যেমন যেখানে ধূম সেখানে বহিঃ।

৫৬। তর্ক কাকে বলে ?

উঃ ব্যাপ্তির আরোপের দ্বারা ব্যাপকের আরোপকে তর্ক বলে।

৫৭। ব্যাপ্তি প্রতিষ্ঠায় তর্কের ভূমিকা কি ?

উঃ ব্যাপ্তিজ্ঞানে সংশয় ও ব্যভিচার ইত্যাদি দূরীকরণে তর্ক পদ্ধতির প্রয়োজন।

৫৮। পর্বতটি বহিঃমান, যেহেতু তাতে ধূম আছে, এই অনুমানের সাধ্য, পক্ষ ও হেতু নির্ণয় কর ও অনুমানটির ব্যাপ্তি গঠন কর। পরামর্শবাক্যটিও রচনা কর।

উঃ পক্ষ = পর্বত, সাধ্য = বহিঃত্ব এবং হেতু = ধূমত্ব

অনুমানটির ব্যাপ্তি হল সকল ধূমবান বস্তু হয় বহিঃমান।

পরামর্শটি হল বহিঃব্যাপ্য ধূমবানয়ম্ পর্বতঃ।

৫৯। নিয়ত সহচার জ্ঞানকে এক কথায় কি বলে ?

উঃ নিয়ত সহচার জ্ঞানকে এককথায় ব্যাপ্তি বলে।

৬০। অন্নভট্টের মতে অনুমিতির করণ অর্থাৎ অনুমান কোনটি ?

উঃ পরামর্শ।

৬১। অন্নভট্টের মতে অভাব জ্ঞান কোন্ প্রমাণের সাহায্যে হয় ?

উঃ প্রত্যক্ষ প্রমাণের সাহায্যে হয়।

৬২। কোন্ সন্নিকর্ষের দ্বারা অভাবের প্রত্যক্ষ জ্ঞান হয় ?

উঃ বিশেষণ-বিশেষ্যভাব সন্নিকর্ষের দ্বারা।

৬৩। ভূতলটি ঘটাতাবিশিষ্ট - এই জ্ঞানে কোন্ সন্নিকর্ষের প্রয়োজন ?

উঃ চক্ষুসংযুক্ত বিশেষণতা সন্নিকর্ষের প্রয়োজন।

৬৪। ভুতলে ঘট নাই - এই জ্ঞানে কোন্ সন্নিকর্ষের প্রয়োজন ?

উঃ চক্ষুসংযুক্ত বিশেষ্যতা সন্নিকর্ষের প্রয়োজন।

৬৫। ন্যায়মতে প্রত্যক্ষ কয় প্রকার ও কি কি ?

উঃ ন্যায়মতে প্রত্যক্ষ নির্বিকল্পক ও সবিকল্পক ভেদে দুপ্রকার।

৬৬। অন্নভট্ট নির্বিকল্পক জ্ঞানের কি লক্ষণ দিয়েছেন ?

উঃ নিস্প্রকারকং জ্ঞানং নির্বিকল্পকম্ অর্থাৎ প্রকার বা বিশেষণ বিহীন জ্ঞানকে নির্বিকল্পক জ্ঞান বলে।

৬৭। বিকল্প শব্দের অর্থ কি ?

উঃ বিকল্প শব্দের অর্থ বিশেষণ।

৬৮। অন্নভট্ট সবিকল্পক প্রত্যক্ষের কি লক্ষণ দিয়েছেন ?

উঃ সপ্রকারকং জ্ঞানং সবিকল্পকম্ অর্থাৎ প্রকার বা বিশেষণ বিশিষ্ট জ্ঞানকে সবিকল্পক প্রত্যক্ষ বলে।

৬৯। কোন্ প্রত্যক্ষ জ্ঞান অব্যাপ্যদেশ্য ?

উঃ নির্বিকল্পক প্রত্যক্ষজ্ঞান অব্যাপ্যদেশ্য। কারণ এই জ্ঞানকে ভাষায় প্রকাশ করা যায় না।

৭০। কেন নির্বিকল্পক প্রত্যক্ষ জ্ঞানকে বাক্যে বা ভাষায় প্রকাশ করা যায় না ?

উঃ যেহেতু বাক্য মাত্রই বিশেষ্য-বিশেষণভাব বিশিষ্ট, কিন্তু নির্বিকল্পক প্রত্যক্ষে বিশেষ্য-বিশেষণভাব থাকে না। তাই নির্বিকল্পক প্রত্যক্ষকে ভাষায় প্রকাশ করা যায় না।

৭১। কোন্ প্রত্যক্ষ জ্ঞান ব্যাপদেশ্য এবং কেন ?

উঃ সবিকল্পক প্রত্যক্ষ জ্ঞান ব্যাপদেশ্য। কারণ সবিকল্পক প্রত্যক্ষ জ্ঞান বিশেষ্য-বিশেষণ বিশিষ্ট বলে ভাষায় প্রকাশ করা যায়, তাই তা ব্যাপদেশ্য।

৭২। কোন্ জ্ঞানের অনুব্যবসায় হয় না ?

উঃ নির্বিকল্পক প্রত্যক্ষ জ্ঞানের অনুব্যবসায় হয় না। অনুব্যবসায় কেবল সবিকল্পক জ্ঞানের হয়।

৭৩। নির্বিকল্পক প্রত্যক্ষ জ্ঞানের প্রমাণ কি ?

উঃ নির্বিকল্পক প্রত্যক্ষ জ্ঞানের প্রমাণ হল অনুমান।

৭৪। সবিকল্পক প্রত্যক্ষ জ্ঞানের প্রমাণ কি ?

উঃ সবিকল্পক প্রত্যক্ষ জ্ঞানের প্রমাণ হল অনুব্যবসায়।

৭৫। সন্নিকর্ষ কয় প্রকার ও কি কি ?

উঃ সন্নিকর্ষ প্রধানতঃ দু-প্রকার। লৌকিক ও অলৌকিক।

৭৬। লৌকিক সন্নিকর্ষ কাকে বলে ?

উঃ প্রতিটি ইন্দ্রিয়ের আপন আপন গ্রাহ্য বিষয়ের সাথে যখন সাক্ষাৎ সন্নিকর্ষ হয় তখন তাকে লৌকিক সন্নিকর্ষ বলে।

৭৭। কোন্ কোন্ ইন্দ্রিয় দ্রব্য প্রত্যক্ষ করতে পারে ?

উঃ চক্ষু, ত্বক ও মন ইন্দ্রিয় দ্রব্য প্রত্যক্ষ করতে পারে।

৭৮। শব্দত্ব জাতি প্রত্যক্ষে কোন্ সন্নিকর্ষের প্রয়োজন ?

উঃ সমবেত সমবায়। কারণ শব্দ যেহেতু গুণ এবং শ্রবনেন্দ্রি গুণী। তাই গুণ গুণী সম্বন্ধ সমবায়। তাই শব্দ প্রত্যক্ষে সমবায় সন্নিকর্ষ এবং সেই শব্দে শব্দত্ব জাতি সমবায় সম্বন্ধে থাকে। তাই সমবায় + সমবায় = সমবেত সমবায় সম্বন্ধ।

৭৯। জ্ঞান আত্মাতে কোন্ সম্বন্ধে থাকে ?

উঃ জ্ঞান আত্মাতে সমবায় সম্বন্ধে থাকে।

৮০। ব্যবসায় জ্ঞান কি ?

উঃ যে জ্ঞান কেবল বিষয়কে প্রকাশ করে তাকে ব্যবসায় জ্ঞান বলে।

৮১। অনুব্যবসায় কাকে বলে।

উঃ যে জ্ঞান ব্যবসায় জ্ঞানকে প্রকাশ করে তাকে অনুব্যবসায় বলে।

৮২। কোন্ প্রত্যক্ষ জ্ঞানের স্মৃতি হয় না ?

উঃ নির্বিকল্পক প্রত্যক্ষ জ্ঞানের স্মৃতি হয় না।

৮৩। ব্যাপ্তি প্রতিষ্ঠার ক্ষেত্রে উপাধিনিরাসের উপায় কি ?

উঃ ভূয়োদর্শনের সাহায্যে উপাধি নিরসন করা যায়।

৮৪। নির্বিকল্পক প্রত্যক্ষ জ্ঞানের বিষয় কি ?

উঃ নির্বিকল্পক প্রত্যক্ষ জ্ঞানের বিষয় হল তুরীয় বিষয়তা।

৮৫। নাসিকা কেন গন্ধ গুণ প্রত্যক্ষ করে ?

উঃ নাসিকা পার্থিব দ্রব্য থেকে জাত, আবার সেই পার্থিব দ্রব্যে আশ্রিত গুণ হল গন্ধ। তাই নাসিকা গন্ধ প্রত্যক্ষ করে।

বৈশেষিক দর্শন

১। বৈশেষিক দর্শনের প্রতিষ্ঠাতা কে ?

উঃ বৈশেষিক দর্শনের প্রতিষ্ঠাতা হলেন মহর্ষি কণাদ।

২। পদার্থ কাকে বলে ?

উঃ পদস্য অর্থ পদার্থ। পদের দ্বারা যে অর্থ বা বিষয়কে বোঝায় তাই পদার্থ। ভিন্ন মতে যা প্রতীতি বা জ্ঞানের বিষয় তাই পদার্থ।

৩। বৈশেষিক মতে পদার্থ কয় প্রকার ও কি কি ?

উঃ বৈশেষিক মতে পদার্থ সাত প্রকার। যথা ১) দ্রব্য, ২) গুণ, ৩) কর্ম, ৪) সামান্য, ৫) বিশেষ ৬) সমবায় ও ৭) অভাব।

৪। বৈশেষিক মতে অভাব পদার্থ কয় প্রকার ও কি কি ?

উঃ বৈশেষিক মতে অভাব পদার্থ চার প্রকার। যথা ১) অন্যান্যভাব, ২) প্রাগভাব, ৩) ধ্বংসভাব ও ৪) অত্যন্তভাব।

৫। মহর্ষি কণাদের মতে দ্রব্যের লক্ষণ কি ?

উঃ ক্রিয়াগুণবৎসমবায়িকারণম্ ইতি দ্রব্য লক্ষণম্ অর্থাৎ যা ক্রিয়ার আধার, যা গুণের আধার এবং যা সমবায়ী কারণ হয় তাকে দ্রব্য বলা হয়।

৬। দ্রব্যের লঘু লক্ষণটি কি ?

উঃ দ্রব্যত্বত্ত্বম্ দ্রব্যম্ অর্থাৎ দ্রব্যত্বই দ্রব্যের লক্ষণ।

৭। বৈশেষিক মতে দ্রব্য কয় প্রকার ও কি কি ?

উঃ বৈশেষিক মতে দ্রব্য নয় প্রকার। এগুলি হল পৃথিবী, জল, আগুন, বায়ু, আকাশ, কাল, দিক, আত্মা ও মন।

৮। বৈশেষিক মতে নিত্য দ্রব্য কোনগুলি ?

উঃ পৃথিবী, জল, আগুন ও বাতাসের পরমাণু এবং কাল, দিক, আত্মা ও মন হল নিত্য দ্রব্য।

৯। বৈশেষিক মতে অনিত্য দ্রব্যগুলির নাম লেখ।

উঃ পৃথিবী, জল, আগুন ও বাতাসের পরমাণু সংযোগের দ্বারা যে দ্রব্য সৃষ্ট হয় তা অনিত্য দ্রব্য।

১০। বৈশেষিক মতে নিষ্ক্রিয় দ্রব্যগুলি কি কি ?

উঃ বৈশেষিক মতে নিষ্ক্রিয় দ্রব্যগুলি হল আকাশ, কাল, দিক ও আত্মা।

১১। বৈশেষিক মতে সক্রিয় দ্রব্যগুলি কি কি ?

উঃ বৈশেষিক মতে সক্রিয় দ্রব্যগুলি হল পরমাণু ও মন।

১২। অনু পরিমাণ দ্রব্যগুলি কি কি ?

উঃ অনু পরিমাণ দ্রব্যগুলি হল পরমাণু ও মন।

১৩। পরমমহৎ বা বিভূ পরিমাণ দ্রব্যগুলি কি কি ?

উঃ বৈশেষিক মতে পরমমহৎ বা বিভূ পরিমাণ দ্রব্যগুলি হল আকাশ, কাল, দিক ও আত্মা।

১৪। আকাশকে কিভাবে জানা যায় ?

উঃ শব্দ গুণের সমবায়ী কারণ হিসাবে আকাশকে অনুমানের সাহায্যে জানা যায়।

১৫। আকাশ, কাল, দিক প্রভৃতি প্রত্যক্ষ করা যায় না কেন ?

উঃ এগুলি পরমমহৎ পরিমাণ দ্রব্য বলে। এগুলিকে অনুমানের সাহায্যে জানা যায়।

১৬। মহর্ষি কণাদ গুণের কি লক্ষণ দিয়েছেন ?

উঃ দ্রব্যাত্মীয়ী অগুণবান সংযোগবিভাগে স্বকারণমনপেক্ষ ইতি গুণ লক্ষণম্ অর্থাৎ যা দ্রব্যাত্মীয়ী, অগুণবান, এবং অন্য কোন ভাব পদার্থকে অপেক্ষা না করে সংযোগ ও বিভাগের কারণ হয় না তাকে বলা হয় গুণ।

১৭। অল্পভট্ট প্রদত্ত গুণের লক্ষণটি কি ?

উঃ দ্রব্য কর্ম ভিন্নত্বেসতি সামান্যবান্ গুণঃ অর্থাৎ দ্রব্য ও কর্ম হতে ভিন্ন যে পদার্থটি সামান্যবান্ তাকে গুণ বলা হয়।

১৮। মহর্ষি কণাদ বৈশেষিক সূত্রে কয়টি গুণের কথা বলেছেন কি কি ?

উঃ বৈশেষিক সূত্রে মহর্ষি কণাদ ১৭টি গুণের কথা বলেছেন। এগুলি হল - রূপ, রস, গন্ধ, স্পর্শ, সংখ্যা, পরিমাণ, পৃথকত্ব, সংযোগ, বিভাগ, পরত্ব, অপারত্ব, বুদ্ধি, সুখ, দুঃখ, ইচ্ছা, দ্বেষ ও প্রযত্ন।

১৯। বৈশেষিক ভাষ্যকার প্রশস্তপাদ কয় প্রকার গুণ স্বীকার করেন কি কি ?

উঃ বৈশেষিক ভাষ্যকার প্রশস্তপাদ মোট ২৪টি গুণ স্বীকার করেছেন। উক্ত ১৭টি ছাড়া বাকি ৭টি গুণ হল - শব্দ, স্নেহ, গুরুত্ব, দ্রবত্ব, ধর্ম, অধর্ম ও সংস্কার।

২০। গুণ দ্রব্যে কোন সম্বন্ধে থাকে।

উঃ বৈশেষিকমতে গুণ দ্রব্যে সমবায় সম্বন্ধে থাকে।

২১। গুণে কোন গুণ থাকে কি ?

উঃ না। বৈশেষিক মতে গুণে কোন গুণ থাকে না।

২২। রূপের লক্ষণ দাও।

উঃ চক্ষু মাত্র গ্রাহ্যো গুণো রূপম্ অর্থাৎ যে গুণটি কেবল মাত্র চক্ষু ইন্দ্রিয় দ্বারা গৃহীত তাকে রূপ বলে।

২৩। সংস্কার কয় প্রকার ও কি কি ?

উঃ সংস্কার তিন প্রকার যথা বেগ, ভাবনা ও স্থিতিস্থপকতা

২৪। মনকে প্রত্যক্ষ করা যায় না কেন ?

উঃ মন অণু পরিমাণ ও উদ্ভূত রূপ নাই বলে মনকে প্রত্যক্ষ করা যায় না।

২৫। বৈশেষিক মতে রূপ কত প্রকার ও কি কি ?

উঃ বৈশেষিক মতে রূপ সাত প্রকার - শুক্ল, নীল, পীত, রক্ত, হরিৎ, কপিশ ও চিত্ররূপ।

২৬। রস কত প্রকার ও কি কি ?

উঃ রস ছয় প্রকার যথা - মধুর, অম্ল, লবণ, কটু, কষায় ও তিক্ত।

২৭। গন্ধ গুণ কয় প্রকার ও কি কি ?

উঃ গন্ধ গুণ সুরভি ও অসুরভি ভেদে দুপ্রকার।

২৮। স্পর্শ গুণের লক্ষণ দাও।

উঃ তুগিন্দ্রিয়মাত্র গ্রাহ্য গুণঃ স্পর্শঃ অর্থাৎ কেবলমাত্র ত্বক ইন্দ্রিয় দ্বারা গৃহীত গুণকে স্পর্শ বলে।

২৯। সংযোগ কয় প্রকার ও কি কি ?

উঃ দুপ্রকার - এক দ্রব্য ক্রিয়া জন্য সংযোগ আর সংযোগজন্য সংযোগ।

৩০। বিভাগ কয় প্রকার ও কি কি ?

উঃ বিভাগ দু প্রকার - এক দ্রব্য ক্রিয়া জন্য বিভাগ এবং বিভাগজন্য বিভাগ।

৩১। ধর্ম ও অধর্ম কাকে বলে ?

উঃ বেদ বিহিত কর্মানুষ্ঠানকে ধর্ম বলে। আর বেদ নিষিদ্ধ কর্ম করাকে অধর্ম বলে।

৩২। সামান্যগুণ কাকে বলে ?

উঃ যে গুণ সকল দ্রব্যে থাকে তাকে সামান্য গুণ বলে। এগুলি হল সংখ্যা, পরিমাণ, পৃথকত্ব, সংযোগ ও বিভাগ।

৩৩। বিশেষ গুণ কাকে বলে ?

উঃ যে গুণগুলি সকল দ্রব্যে থাকে না, কেবল বিশেষ বিশেষ দ্রব্যে থাকে, সেগুলিকে বিশেষ গুণ বলে। যেমন রূপ, রস, গন্ধ, স্পর্শ ও শব্দ।

৩৪। কর্মের লক্ষণ দাও।

উঃ সংযোগভিন্নত্বেসতি সংযোগাসমবায়ি কারণং কর্ম অর্থাৎ যে পদার্থটি সংযোগ ভিন্ন অথচ সংযোগের অসমবায়ী কারণ তাকে বলা হয় কর্ম।

৩৫। বৈশেষিক মতে কর্ম কয় প্রকার ও কি কি ?

উঃ বৈশেষিক মতে কর্ম পাঁচ প্রকার যথা - ১) উৎক্ষেপণ, ২) অবক্ষেপণ, ৩) আকুঞ্চন, ৪) প্রসারণ ও ৫) গমন।

৩৬। উৎক্ষেপণ কাকে বলে ?

উঃ যে ক্রিয়ার দ্বারা ঐ ক্রিয়ার আশ্রয় দ্রব্যের উর্দ্ধদেশে সংযোগ ঘটে, সেই ক্রিয়াকে উৎক্ষেপণ বলে।

৩৭। অবক্ষেপণ কাকে বলে ?

উঃ যে ক্রিয়ার দ্বারা ঐ ক্রিয়ার আশ্রয় দ্রব্যের অধোদেশে সংযোগ ঘটে, সে ক্রিয়াকে অবক্ষেপণ বলে।

৩৮। আকুঞ্চন কাকে বলে ?

উঃ যে ক্রিয়ার দ্বারা ঐ ক্রিয়ার আশ্রয় দ্রব্যের আবয়বের হানি না ঘটিয়ে আপেক্ষাকৃত অল্প দেশে সংযুক্তি ঘটে, সে ক্রিয়াকে আকুঞ্চন বলে।

৩৯। প্রসারণ কাকে বলে?

উঃ যে ক্রিয়ার দ্বারা ঐ ক্রিয়ার আশ্রয় দ্রব্যের অবয়বের বৃদ্ধি না ঘটিয়ে অধিক দেশে সংযুক্তি ঘটে, সে ক্রিয়াকে প্রসারণ বলে।

৪০। গমন কাকে বলে ?

উঃ বস্তুর স্থান পরিবর্তন যে ক্রিয়ার দ্বারা হয়, তাকে গমন বলে।

৪১। দ্রব্য ও গুণের সাদৃশ্য কি ?

উঃ উভয়ই ভাব পদার্থ, জ্ঞেয় বিষয় ও জাতিমান পদার্থ।

৪২। দ্রব্য ও গুণের মধ্যে পার্থক্য কি ?

উঃ দ্রব্য সগুণ কিন্তু গুণ নিগুণ। দ্রব্য সমবায়ী কারণ হয়, কিন্তু গুণ অসমবায়ী কারণ হয়।

৪৩। দ্রব্য ও কর্মের মধ্যে পার্থক্য কি ?

উঃ দ্রব্য গুণবান পদার্থ কিন্তু কর্ম অগুণবান পদার্থ। দ্রব্য নিত্য ও অনিত্য হতে পারে, কিন্তু কর্ম সর্বদা অনিত্য পদার্থ। দ্রব্য সমবায়ী কারণ হয়, কিন্তু কর্ম অসমবায়ী কারণ হয়।

৪৪। অল্পভট্ট তর্কসংগ্রহ গ্রন্থে সামান্যের কি লক্ষণ দিয়েছেন ?

উঃ নিত্যম্ একম্ অনেকানুগতম্ সামান্যম্ অর্থাৎ যা নিত্য, এক এবং অনেক পদার্থে সমবায় সম্বন্ধে বিদ্যমান থাকে তাকে সামান্য বলে।

৪৫। বিশ্বনাথ প্রদত্ত সামান্যের লক্ষণটি কি ?

উঃ নিত্যত্বেসতি অনেক সমবেততম্ সামান্যম্ অর্থাৎ যে পদার্থটি নিত্য এবং অনেক পদার্থে সমবায় সম্বন্ধে বিদ্যমান থাকে তাকে সামান্য বলে।

৪৬। জাতি বা সামান্যকে এক বলা হয় কেন ?

উঃ জাতি অনুগত ধর্ম, তাই জাতি এক। ঘট এক হলেও ঘটত্ব জাতি এক।

৪৭। জাতি বা সামান্য স্বীকার করা হয় কেন ?

উঃ রাম, শ্যাম, যদু, মধু প্রভৃতি ব্যক্তি মানুষে নানা প্রকার ভেদ থাকলেও তারা সবাই মানুষ। এই অনুগত প্রতীতির খাতিরে সামান্য বা জাতি ধর্ম স্বীকার করা হয়।

৪৮। দ্রব্য ও সামান্য বা জাতির মধ্যে পার্থক্য কি ?

উঃ দ্রব্যে গুণ, কর্ম ও জাতি থাকে। কিন্তু সামান্যে গুণ, কর্ম ও জাতি থাকে না।

৪৯। সামান্য বা জাতি ও গুণের পার্থক্য কি ?

উঃ গুণ অনিত্য ও অনেক এবং জাতিমান পদার্থ। অপরপক্ষে সামান্য নিত্য এক ও জাতিহীন পদার্থ।

৫০। সামান্য ও কর্মের মধ্যে পার্থক্য কি ?

উঃ কর্ম অনিত্য অনেক ও জাতিমান পদার্থ, কিন্তু সামান্য নিত্য এক ও জাতিহীন পদার্থ।

৫১। সামান্য ও বিশেষের মধ্যে পার্থক্য কি ?

উঃ ১) সামান্য অনুগত বুদ্ধির জনক, কিন্তু বিশেষ ব্যবৃদ্ধি বুদ্ধির জনক।

২) সামান্য এক, কিন্তু বিশেষ অনেক।

৩) সামান্য নিত্য ও অনিত্য দ্রব্যে থাকে, কিন্তু বিশেষ সর্বদাই নিত্য দ্রব্যে থাকে।

৫২। জাতি বা সামান্যকে কোন্ প্রমাণের সাহায্যে জানা যায় ?

উঃ জাতি প্রত্যক্ষ প্রমাণসিদ্ধ। যে ব্যক্তি যে ইন্দ্রিয়ের সাহায্যে প্রত্যক্ষসিদ্ধ, সেই ব্যক্তির জাতিও সে ইন্দ্রিয়ের দ্বারা সংযুক্ত সমবায় নামক লৌকিক সন্নিকর্ষের দ্বারা প্রত্যক্ষসিদ্ধ হয়।

৫৩। সামান্য বা জাতি কয় প্রকার ও কি কি ?

উঃ তিন প্রকার ১) পর সামান্য, ২) অপর সামান্য ও ৩) পরাপর সামান্য।

৫৪। পর সামান্য কাকে বলে ?

উঃ সর্বপেক্ষা ব্যাপকতম জাতি অর্থাৎ যে জাতি অন্য কোন জাতির ব্যাপ্য নয়, সেই জাতিকে পর জাতি বা পর সামান্য বলে। যেমন সত্তা জাতি।

৫৫। অপর সামান্য কাকে বলে ?

উঃ সবচেয়ে কম ব্যাপক জাতি অর্থাৎ যে জাতি অন্য সকল জাতির ব্যাপ্য হয় সেই জাতিকে অপর জাতি বা সামান্য বলে। যেমন ঘটত্ব, পটত্ব ইত্যাদি।

৫৬। পরাপর সামান্য কাকে বলে ?

উঃ যে জাতি পর জাতির তুলনায় কম ব্যাপক এবং অপর জাতির তুলনায় বেশী ব্যাপক বা যে জাতি কোন জাতির ব্যাপক আবার অন্য কোন জাতির ব্যাপ্য সেই জাতিকে পরাপর সামান্য বা জাতি বলে। যেমন দ্রব্যত্ব, গুণত্ব ও কর্মত্ব।
৫৭। জাতিবধক কাকে বলে ?

উঃ যে ধর্মগুলিকে দেখতে জাতির ন্যায় অথচ জাতি নয় বা যে যে কারণে অনুগত ধর্মকে জাতি বলা যায় না তাদের জাতিবধক বলা হয়।

৫৮। জাতিবধক কয় প্রকার ও কি কি ?

উঃ জাতিবধক ছয় প্রকার : ১) ব্যক্তির অভেদ, ২) তুল্যত্ব, ৩) সংকর, ৪) অনবস্থা ৫) রূপহানি, ও ৬) অসম্বন্ধ।

৫৯। ব্যক্তির অভেদ জাতিবধক বলতে কি বোঝায় ?

উঃ যে ধর্মের আশ্রয় ব্যক্তি এক, সেই ধর্ম জাতি না হয়ে ব্যক্তির অভেদ নামক জাতিবধক হবে। যেমন আকাশত্ব, কালত্ব ইত্যাদি।

৬০। তুল্যত্ব জাতিবধক কি ?

উঃ যদি দুটি অনুগত ধর্মের আশ্রয় একই অধিকরণ হয়, তবে দুটি ধর্মকে একসঙ্গে জাতি বলে স্বীকার করলে তা জাতি না হয়ে তুল্যত্ব নামক জাতিবধক হবে। যেমন ঘটত্ব ও কলসত্ব। এদের একটি জাতি হতে কোন বাধা নাই।

৬১। সংকর নামক জাতিবধক কি ?

উঃ যদি দুটি অনুগত ধর্ম পরস্পরের অভাবের অধিকরণে থেকেও সমানাধিকরণ হয়, তবে সেই দুটি ধর্ম জাতি না হয়ে সংকর নামক জাতিবধক হবে। যেমন ভুতত্ব ও মূর্তত্ব।

৬২। অনবস্থা নামক জাতিবধক কি ?

উঃ বৈশেষিক মতে জাতির জাতি স্বীকার্য নয়। স্বীকার করলে অনবস্থা নামক জাতিবধক হবে।

৬৩। রূপহানি জাতিবধক বলতে কি বোঝায় ?

উঃ যে অনুগত ধর্মকে জাতি বলে স্বীকার করলে তার স্বরূপের হানি ঘটে তা জাতি না হয়ে রূপহানি নামক জাতিবধক হবে।

৬৪। অসম্বন্ধ জাতিবধক কাকে বলে ?

উঃ যে অনুগত ধর্ম ব্যক্তিতে সমবায় সম্বন্ধে থাকে না, সেই ধর্ম অসম্বন্ধ নামক জাতি বধক। যেমন সমবায়ত্ব, অভাবত্ব ইত্যাদি।

৬৫। সামান্য ও জাতির মধ্যে পার্থক্য কি ?

উঃ কোন অনুগত ধর্ম সামান্য হলে জাতি নাও হতে পারে। কিন্তু জাতি হলে তা অবশ্যই সামান্য হবে। যেমন অভাবত্ব সামান্য, কেননা তা অনুগত ধর্ম, কিন্তু জাতি নয়। কেননা অভাবত্ব কোন অভাবে সমবায় সম্বন্ধে থাকে না। কিন্তু মনুষ্যত্ব জাতি, কারণ মনুষ্যত্ব নিত্য ও সকল মানুষে সমবায় সম্বন্ধে বিদ্যমান। সামান্যও বটে, কারণ মনুষ্যত্ব অনুগত ধর্ম।

৬৬। জাতি ও উপাধির মধ্যে পার্থক্য কি ?

উঃ ১) জাতি নিত্য। যেমন ঘটত্ব। কিন্তু উপাধি অনিত্য। যেমন অন্ধত্ব।

২) জাতি হল ব্যক্তির স্বাভাবিক অকৃত্রিম ও অপরিহার্য ধর্ম। যেমন টেবিলত্ব, অপরপক্ষে উপাধি ব্যক্তির আগন্তুক ও কৃত্রিম ধর্ম। যেমন বধিরত্ব।

৬৭। মহর্ষি কণাদ বিশেষের কি লক্ষণ দিয়েছেন ?

উঃ নিত্য দ্রব্য বৃন্তয়োহ্যস্তা বিশেষা পরিকীর্তিতাঃ। অর্থাৎ যে পদার্থ নিত্য দ্রব্যে বর্তমান থাকে এবং সবশেষে বিদ্যমান থেকে ব্যবৃন্তি বুদ্ধির জনক হয়, তাকে বিশেষ বলে।

৬৮। বিশেষ পদার্থকে অন্ত্য বিশেষ বলা হয় কেন ?

উঃ অন্ত্য বলতে চরম বা অন্তিম এবং বিশেষ বলতে ভেদক ধর্মকে বোঝায়। তাই অন্ত্য বিশেষ শব্দের অর্থ চরম ভেদক ধর্ম। যেখানে নাম, জাতি, গুণ, ক্রিয়া, অবয়ব ইত্যাদি ভেদক ধর্ম কোন ভেদ নির্ণয় করতে পারে না, সেখানে এই চরম ভেদক ধর্ম কাজ করে বলে একে অন্ত্য বিশেষ বলে। যেমন দুটি সজাতীয় পরমাণুর মধ্যে ভেদ সিদ্ধির জন্য এই চরম ভেদক ধর্ম স্বীকার করতে হয়।

৬৯। বিশেষকে নিত্য বলা হয় কেন ?

উঃ বিশেষ অনিত্য হলে নিত্য দ্রব্যের ভেদক ধর্ম হতে পারে না। বিশেষের আশ্রয় নিত্য বলে বিশেষও নিত্য।

৭০। বিশেষকে স্বতোব্যবর্তক বলা হয় কেন ?

উঃ বিশেষ তার আশ্রয় নিত্য দ্রব্যগুলির মধ্যে ভেদ নির্ণয় করার সাথে সাথে অন্য বিশেষ থেকেও নিজেকে পৃথক করে, তাই বিশেষকে স্বত্বোব্যবর্তক বলা হয়।

৭১। সমবায়ের লক্ষণ কি ?

উঃ বিশ্বনাথ প্রদত্ত সমবায়ের লক্ষণ হল সমবায়ত্বম্ নিত্য সম্বন্ধত্বম্ অর্থাৎ নিত্য সম্বন্ধকে সমবায় বলা হয়। উদয়নাচার্য বলেন নিত্যত্বে সতি সম্বন্ধত্বম্ অর্থাৎ যা নিত ও সম্বন্ধ স্বরূপ তাই সমবায়। প্রশস্তপাদ সমবায়ের লক্ষণ দিতে গিয়ে বলেন, অযুতসিদ্ধানাম-আধার্যধারভূতানাং যঃ সম্বন্ধ ইহ প্রত্যয় হেতুঃ স সমবায়ঃ অর্থাৎ আধার-আধেয়ভূত অযুতসিদ্ধ পদার্থদ্বয়ের মধ্যে এই আধারে এই আধেয় আছে - এরূপ জ্ঞানের কারণীভূত যে সম্বন্ধ, তাই সমবায়।

৭২। সমবায় সম্বন্ধের সম্বন্ধী যুগলগুলির নাম কি ?

উঃ ১) অবয়ব ও অবয়বী বা অংশ ও অংশী, ২) দ্রব্য ও গুণ, ৩) দ্রব্য ও কর্ম, ৪) জাতি ও ব্যক্তি এবং ৫) নিত্য দ্রব্য ও বিশেষ।

৭৩। সমবায়কে বৃত্তি নিয়ামক সম্বন্ধ বলা হয় কেন ?

উঃ আধার-আধেয় সম্বন্ধকে বৃত্তি নিয়ামক সম্বন্ধ বলা হয়। সমবায় সম্বন্ধের সম্বন্ধিদ্বয় যেহেতু আধার-আধেয় রূপে থাকে, তাই সমবায় সম্বন্ধকে বৃত্তি নিয়ামক সম্বন্ধ বলা হয়।

৭৪। অযুতসিদ্ধ পদার্থ কাকে বলে ?

উঃ যে দুটি পদার্থ তাদের সত্তা কালে আধার-আধেয় সম্বন্ধে আবদ্ধ না হয়ে থাকতে পারে না, সে দুটি পদার্থকে বলে সমবায়।

৭৫। সমবায়কে অযুতসিদ্ধ পদার্থ বলা হয় কেন ?

উঃ সমবায়ের সম্বন্ধী যুগলকে পরস্পর বিচ্ছিন্ন করা যায় না। তাদের সত্তাকালে আধার-আধেয় রূপে থাকে বলে সমবায়কে অযুতসিদ্ধ পদার্থ বলে।

৭৬। বৈশেষিক মতে সমবায়কে কিভাবে জানা যায় ?

উঃ বৈশেষিক মতে সমবায়কে প্রত্যক্ষ প্রমাণের সাহায্যে জানা যায় না। যেহেতু সমবায় সম্বন্ধের সকল সম্বন্ধী দ্বয়কে প্রত্যক্ষ করা যায় না। দ্রব্য ও গুণের সম্বন্ধ সংযোগ, স্বরূপ বা তাদাত্ম্য হতে পারে না। তাই অনুমানের দ্বারা প্রমাণিত হয় এদের সম্বন্ধ সমবায়।

৭৭। সমবায় ও সংযোগের মধ্যে পার্থক্য কি ?

উঃ ১) সমবায় নিত্য সম্বন্ধ, সংযোগ অনিত্য সম্বন্ধ।
২) সমবায় অযুতসিদ্ধ সম্বন্ধ, কিন্তু সংযোগ যুতসিদ্ধ সম্বন্ধ।
৩) সমবায় ব্যাপ্যবৃত্তি সম্বন্ধ, কিন্তু সংযোগ অব্যাপ্যবৃত্তি সম্বন্ধ।

৭৮। কোন্ কোন্ দর্শন সম্প্রদায় অভাব পদার্থ স্বীকার করেন ?

উঃ ন্যায়, বৈশেষিক, ভাট্ট ও বৈদান্তিকরা।

৭৯। অভাবকে স্বতন্ত্র পদার্থরূপে স্বীকারের যুক্তি কি ?

উঃ অভাবকে স্বতন্ত্র পদার্থরূপে স্বীকার না করলে আধার-আধেয়ভাব উপপন্ন হবে না, অনন্ত অভাব স্বীকারে গৌরব দোষ হবে এবং যে ভাব পদার্থের জ্ঞান যে ইন্দ্রিয়ের দ্বারা হয় তার অভাবের জ্ঞানও সেই ইন্দ্রিয়ের দ্বারা হয় - এই নিয়ম লঙ্ঘিত হবে। তাই অভাবকে স্বতন্ত্র পদার্থরূপে স্বীকার করতে হবে।

৮০। অভাব কয় প্রকার ও কি কি ?

উঃ অভাব প্রধানতঃ দু প্রকার : অন্যান্যভাব ও সংসর্গভাব। সংসর্গভাব আবার তিন প্রকার : যথা : প্রাগভাব, ধ্বংসভাব ও অত্যন্তভাব।

৮১। অন্যান্যভাব কাকে বলে ?

উঃ যে অভাব নিজের প্রতিযোগীর তাদাত্ম্যের বোরোধী, তাকে অন্যান্যভাব বলে। যেমন ঘট পট নয়।

৮২। সংসর্গভাব কাকে বলে ?

উঃ যে অভাব নিজের প্রতিযোগীর সংসর্গের বিরোধী তাকে সংসর্গভাব বলে। যেমন টেবিলে ফুলদানির অভাব।

৮৩। প্রাগভাব কাকে বলে ?

উঃ যে অভাবের আদি নাই কিন্তু অন্ত আছে, সেই অভাব প্রাগভাব। যেমন মাটিতে ঘট উৎপত্তির পূর্বে ঐ ঘটের যে অভাব।

৮৪। ধ্বংসভাব কাকে বলে ?

উঃ যে অভাবের আদি বা শুরু আছে, কিন্তু অন্ত বা শেষ নাই, তা ধ্বংসাত্মক। যেমন ঘট উৎপত্তির পর ধ্বংস হয়ে গেলে ঐ ধ্বংসাবশেষে ঐ ঘটের যে অভাব।

৮৫। অত্যন্তাভাব কাকে বলে ?

উঃ নিত্য সংসর্গাভাবকে অত্যন্তাভাব বলে। যেমন বায়ুতে রূপাভাব।

৮৬। অন্যান্যভাব ও সংসর্গাভাবের পার্থক্য কি ?

উঃ অন্যান্যভাবের ক্ষেত্রে দুটি পদার্থ -অনুযোগী ও প্রতিযোগী পরস্পর-বিরুদ্ধ নয়, এরা একসঙ্গে থাকতে পারে।

কিন্তু সংসর্গাভাবের ক্ষেত্রে অনুযোগী ও প্রতিযোগী পরস্পর-বিরুদ্ধ। একসঙ্গে কখনোই থাকে না।

অদ্বৈত অধিবিদ্যা

১। অদ্বৈতবাদ কাকে বলে ?

উঃ যে মতবাদ অনুসারে পরমতত্ত্ব এক ও অদ্বিতীয়, সেই মতবাদকে অদ্বৈতবাদ বলে।

২। শংকরাচার্যের মতবাদকে কি বলা হয় ও কেন ?

উঃ অদ্বৈতবাদ বলা হয়, কারণ তাঁর মতে পরমতত্ত্ব ব্রহ্মই একমাত্র সৎ, জগৎ মিথ্যা, জীব ও ব্রহ্ম অভিন্ন। তাই।

৩। সত্ত্বত্রৈবিধ্যবাদ কাকে বলে ?

উঃ শংকরাচার্য যে ত্রিবিধ সত্ত্ব স্বীকার করেন, ১) প্রাতিভাষিক, ২) ব্যবহারিক ও ৩) পারমার্থিক - এদেরকে একত্রে সত্ত্বত্রৈবিধ্যবাদ বলে।

৪। শংকরাচার্যের মতে ব্রহ্মের স্বরূপ কি ?

উঃ ব্রহ্ম হল এক, অদ্বিতীয়, অনন্ত, শশ্বত, সর্বব্যাপী, নিরাকার, নির্গুণ, নিষ্ক্রিয়, নির্বিশেষ, অপরিণামী, সর্বপ্রকারভেদরহিত, সচ্চিদানন্দ, প্রমাণাতীত, লক্ষণাতীত, উপাধিহীন, স্বপ্রকাশ, অবাঙ্‌মানসগোচর, অখিলাধারম।

৫। নির্গুণ ব্রহ্ম কি ?

উঃ আচার্য শংকরের মতে যাবতীয় ভেদ বর্জিত ব্রহ্মই নির্গুণ ব্রহ্ম। পারমার্থিক সৎ ব্রহ্মই নির্গুণ ব্রহ্ম।

৬। সগুণ ব্রহ্ম কি ?

উঃ যাবতীয় ভেদযুক্ত ব্রহ্ম অর্থাৎ ঈশ্বর হলেন সগুণ ব্রহ্ম। ঈশ্বর পারমার্থিক দৃষ্টিতে মিথ্যা।

৭। নির্গুণ ও সগুণ ব্রহ্মের পার্থক্য কি ?

উঃ নির্গুণ ব্রহ্মই পারমার্থিক সৎ, কিন্তু সগুণ ব্রহ্ম ব্যবহারিক সৎ।

৮। অজ্ঞান বা মায়া কিভাবে দূরীভূত হয় ?

উঃ ব্রহ্ম জ্ঞানের উদয় হলে মায়া দূরীভূত হয়।

৯। আচার্য শংকরের মতে মায়ার আশ্রয় কি ?

উঃ মায়া শূন্য থাকতে পারে না। ব্রহ্মই একমাত্র সৎ। তাই ব্রহ্মই একমাত্র মায়ার আশ্রয় হতে পারে।

১০। শংকরাচার্য ব্রহ্মে কয় প্রকার ভেদ স্বীকার করেন ?

উঃ তিন প্রকার : স্বজাতীয়, বিজাতীয় ও স্বগতভেদ।

১১। স্বজাতীয়ভেদ কি ?

উঃ একজাতীয় দুটি ব্রহ্মের মধ্যে যে ভেদ।

১২। বিজাতীয় ভেদ কাকে বলে ?

উঃ হাতী ও ঘোড়ার মধ্যে যে ভেদ।

১৩। স্বগতভেদ কি ?

উঃ ব্রহ্মের শাখা-প্রশাখা, পত্র-পুষ্প ইত্যাদির মধ্যে যে ভেদ।

১৪। শংকরাচার্যের মতে জীব ও ব্রহ্মের সম্পর্ক কি ?

উঃ শংকরাচার্যের মতে জীব ও ব্রহ্মের সম্পর্ক হল অভিন্ন।

১৫। শংকরাচার্যের মতে ব্রহ্মের স্বরূপ লক্ষণ কি ?

উঃ শংকরাচার্যের মতে ব্রহ্মের স্বরূপ লক্ষণ হল সচ্চিদানন্দ। কেননা সৎ, চিত্ত ও আনন্দ হল ব্রহ্মের স্বরূপ।
